

BIBLIOTEKA


Zakł. Nar. im. Ossolińskich


XVI 3060

*Orzechowski Jan.*

*1544.*

VIII. H. 39<sup>13</sup>/<sub>2</sub>





## ORATIO

In den durchleuchtig-  
 sten Herrn / Herrn Sigismundum König  
 in Poln etc. Die kriegs rüstung / wider den Erzfeind  
 Christliches bluts / den Türcken / fürzunehmen belan-  
 gend. In welcher von wegē des ganzen lands Poln /  
 hilff vnd schutz gebetten / auch mit was sug  
 solches anzugreifen erkläret würdt.

Erstlich im latein beschribē durch  
 Stanislaum Orcehouuski Ritter des lands  
 Reussen / vnd yez zur anreizung vnd  
 exempel Teutscher Nation ver-  
 teuscht. J. S.

Was fürnemlich in diser Oration gehandelt wirt /  
 finstu am nechsten blat verzeichnet.



M. D. XLIIII.

Vnd wirt fürnemlich in diser Oration gehandelt.

Das der König auß Poln sich mit auff den Bund so er mit dē Türcken hat/ verlassen soll/ den der Türck halt mit glauben/sonder sich also durch falsche Bünd muß das land Poln/ In welches er / nach dem Vngern von jm vberweltigt / auffs erst fort reisen werd/ jm ein süglicheren weg in Teutschland zubereiten.

Item mit was listigkeiten alle Türckische Keyser gehandelt/ vnd noch handeln.

Auch was macht der von Poln vermöge dē Türcken widerstandt zuthun/rc.

Derhalben der König mit den Teutschen ein bund auß machen soll/ vnd er mit aller macht den Türcken auß Poln/ in Vngern angreifen/ darzu werdē jm die Valachen auß irem land/ nach irem erbieten/ den selbē feind zu ruck anzugreiffē/ behylflich sein/ den sie nit wöllen vnter dē Mlachometischē Tyrannen beharrē.

Vnnd die Teutschen sollen am dritten ort auß iren grenzen auch den feind drucken/ das er also an dreyen orten in einer Kluppen gefast gedrengt werde/ rc.

Vnd entlich wirt angezeigt/ das es Got ytz also geordnet habe/ vn̄ die recht vn̄ beste zeit da sey / dz man den Türcken schlagen vnnd vertilgen möcht / welch süglicheit in keinē weg verlast werdē soll/ den wo an-  
hört geschehe / wirt nichts güts zuhoffen sein/rc.



XVI. Qu. 3060

**D**reheuchtigster König / Gene-  
digster Herr Sigismunde / Ich wolt von ganzē  
herzen / der almechtig Got het es also geordnet /  
Das **E. K. M.** meinen fleyß gegen dem ge-  
meinen nutz / vnd meine Trew gegen jr / vil mehr auß einem  
andern denn auß disen / den krieg belangenden / reden / het mö-  
gen erkennen . Welche / wiewol sie hoch von nöten sind / den  
redner dennoch nimmermehr so frölich machen / das er durch  
solchen frölichen mut / dem zuhö:er (fürnemlich einem solchen  
trefflichen) möcht gefellig / vnd zu hören angenehmer werden .  
Denn was mag nur für vngewürlicher angesehen werden /  
denn das ich ein gemeiner mañ / geringes verstandes / vnd  
noch vil geringer erfahrung / vor euch dem aller mechtigsten  
König / dapferesten Fürsten vñ kriegshman (wie den vil victo-  
rien beweisen) von kriegem reden sol? Dieweyl aber dises  
meines gelücks schuld ist / welches mir kein ander zeit vor **E.  
K. M.** zureden gegeben hat / denn eben dise / in welcher sie  
jrer **M.** reich vnd regiment / zur höchstē gefar gebracht sich /  
Sol sich solche **E. K. M.** nicht wundern / das ich auß forcht  
gegenwertiger dienstparkeit bewegt worden bin / auffzutreten  
vor jrem angesicht von kriegsrüstung zu reden . Den wie groß  
solche forcht sey / ist öffentlich vor augen / da yezund niemand  
ist in ewrem gangzen reich / der nicht seines lebens oder seiner  
freyheit sorg hette .

Denn / nach dem der Türckische Tyrann Solymannus alle  
mal vorher / mit mancherley vnd listigen künsten / im den weg  
zum land Polen bereitet / vnd solches destert ehe zubekömen /  
ein bündnus mit **E. K. M.** auffrichtet / damit er zu thun vñ  
lassen was er wolt / freye macht haben möchte . Ist er entlich /  
nach dem er dz land Vngern vnter sich geworiffē / Ferdinandi  
kriegsvoldt verjaget / vnd die Teutschen so in besizung allent-  
halb / gelegen oberweldigt / **E. M.** vñnd jres königreichs  
wegster nachbaur worden / das er also den weg ( so seine vor-

farn mit vil blutvergieffen durch Thraciam ins land Poln  
gesucht haben / jme vñnd seinem reich / durch souil Vnger-  
rische hauffen / so er erschlagen / durch souil Teutsche so er erle-  
get / vñnd durch souil der seinen so er verlor / durchs Vnger-  
land newlich hat frey vñnd offen gemacht. Den worzu anderst  
solten dieselben meinaid / mit welchen er von E. M. die bünd-  
nus herauß gelogen hat : denn das er durch list / vñnd betrug /  
von jr abtrünge / welches Baiazetes von E. M. brudern /  
Mahumetes von irem vater / Amurales von irem vettern /  
mit dem schwerdt / nicht haben erobern können. Worzu sols  
doch : Neligch das E. M. durch die religion der bündnus ver-  
hindert / die Walachey nicht beschuzte / noch dem Vngerland  
zuhylff keme / damit er also on alle forcht / jm den weg (so er oft  
zusuchen fürgenomen hat / durch beide land offen machet / wel-  
chen er auch entlich / durch die bündnus mit E. M. auffge-  
richt / erlangt hat / denn er kunt / noch verhoffet es durch  
keinen anderen weg zuerlangen. Es sey denn das wir den  
Solymannum für so töricht achten / das er nicht verstehe mit  
was gewalt / des Amurhati macht von dem Vladislao ge-  
schwecht sey. Oder auch mit was krefften / darpferm mit vñnd  
geschicklichkeit Casimirus E. M. vater / die Walachey wide-  
rumb erobert hat : Solche vergangne geschichtē betracht er /  
hat auch der newen vñnd E. M. thaten noch nicht vergessen /  
sonder weis auch das jr von den selbigen ein solcher held her-  
kumen seid / vor welchem gang Asia sich entsetzet / Welchen  
auch die vñntherthanen daheim / den Löblichen König / vñnd die  
anklendischen völder alle als den dapferesten Kriegsfürsten  
rühmen vñnd preisen. Derhalben weil er sahe dz jme der weg  
ins land Poln / durch E. M. dapferkeit vñnd tugent verschlos-  
sen war / hat er jm durch betrügliche bündnus / vñnd freunde-  
schafft / welche E. M. kriegsrüstung auffhuben / gemechlich  
durchs Vngerland vñnd Walachey / den weg ins land zu Po-  
len / befestigt / vñnd zu solchem allem E. M. frey zusehen lassen.  
Dann



Dann er vermeint es wöll in nun alles gebüren / nach dem er die bündnus auffgericht / da doch E. M. gemelter bündnus halben / etwas wider in fürzunehmen / nie für gebürlich gehalten hat.

Nach dem er nun die Walachey erobert / das Ungerland auch vnter sich gebracht hat / scherzt er sich nit allein diser Baiden land vberwinder / sonder auch E. M. künigreichs ein herr sein / welches er so gewiß vermaint zu habē / das er solchs öffentlich von sich hören leß / Poln muß in dreyen jarn / oder auffslengst in vieren zu boden gehn / Wie den solches der Edel vñ vest Johānes Sciesti / als er von ime mit der Botschaft wider kame / E. M. hat angezaiget. Dis wort soll E. M. anzeigū gebē / was er hoff oder gedencke. Den weñ hat er solches wort erstlich von sich hören lassen: da er mit künig Ludwig / oder mit dem Ferdinando kriegt hat: ich achts nit dar für. Den dazumal nennet er E. M. seinen mitgenossen vñ guten freund / bat die selben zur beschneidung vñ einweihung seiner Sōne / vnd zur hochzeyten / vñd begeret auch entlich mit höchsten vleys dise verderbliche / schedliche Bündnus von E. M. zu erlangen. Oder hat ers da geredt / als der aller dapferest vñd hochloblichst herr Johan Tharnouiski auß E. M. beuelch den Petrum Veynoda / geschlagen vnd verjaget / vñ die Walachey widerumb erobert hat: auch da nit. Denn zur selbigen zeyt / hulff er E. M. wider den Petrum / wie die wort lauten / aber mit der that war er wider E. M. verhanden / das er im die Walachey gehorsam machet. Dieweil nu E. M. vorher allezeyt des Solimanni mitgenos vñd freund gewesen / neulich aber sein feind wordenn ist / darff sie nit zweiffeln / das er nie ierer freundschaft / welche er jetz on alle vrsach verachtet / sonder das land Poln / des er nie on vrsach allemal begert / mit allem solchem vleys vnd Bündnus gesucht hab. Vnd dieweil er jetz an allen orten nach demselben schnapt / vñd das land / von dē Ungern etwo vnsern mitgenossen / die vor vnsern au

gen auffß allergrulichst vmbrecht vnd erwurgt/auch vñ den  
Walachen/so er durch betrug **E.M.** endtwende hat/ bloß vñ  
offen sicht/rümbt er sich/entpemt/vnd thut was er will. Vnd  
so jemand ist/der mainet/das der Turck Solymannus etwas  
anders mit solchen begangnen thaten suche/ deñ das er auffß  
erste zu vns herein breche / der irret ganz vñnd gar. Denn er  
wird nimmermehr also töricht sein / das er so trefflichen füg  
beder ort vñnd zeit/solt verlassen/dergleichen vor nie weder  
Anurathes wider **E.M.** Vettern/noch Machomethus wi-  
der iren vater / noch Baiazetes wider iren Brüder/noch auch  
yetz gegenwertiger Solimannus wider **E.M.** gehabt hat.  
Vnd damit ich solches mug beweisen/bit ich **E.K.M.** wolle  
mich gütwillig vnd vleissig hören/ vnd nicht verachten / was  
von mir des gangenn landes gefahr belangend gesagt wird.  
Denn es auch sunst **E.M.** hohen weißheit vnd verstand nie  
frembd ist/nichts des jenigen zuuerachten / so von denē gered  
wird/ der leib vnd leben in gefahr stehet/vnd **E.M.** in aller-  
ley widerwertikeyt vereint vnd verbunden sein.

Es ist aber die sach/die ich mich zubeweisen erboten habe/  
der gestalt/das sie von sich selbst eine ytlichē leichtlich in sñ fall  
len mochte/ deñ eins auß disem ist dem Solimanno von nöten/  
Entweder das er stracks auß dem land Vngern in Poln fort  
ziehe/ oder aber vomn dannen sich mit aller kriegßmacht ins  
Teutschland Begebe. Deñ er wirt am Vngerland nimmermehr  
genügt sein. So halt ichs auch nicht darfur / das im verpotten  
sey/hieher oder dort hin zu reysen. So ich aber beweisen wer-  
de/dasß das Teutsche land diser zeyt vor im sicher sey/ So wird  
sichs entlich schliessen/dasß das Land Poln allen Turckischem  
gewalt in sich zunemen dargesetzt sey. Vnd so diß von mir be-  
wissen/wirdt/**E.M.** von nöten sein zubedencken/ durch was  
mittel sie mit allem ire vermügen/anschlegen vñ krefften/ ire  
vntherthanen / vor dem yetz künenden Solimanno beschu-  
ge. Denn wo solten **E.M.** gedanken billiger hingewendt wer  
den?

den: Vñ wer mag sich nur gedunckt lassen/ das der Turckisch  
Tiran ehe mit den Teutschen den mit den Poln kriegem solt  
on alle zweiffel niemand/ den der wed Poln noch Teutschland  
recht kenet. E. M. aber hat durch vil gemeinschaft Teutscher  
nation/ vñ durch jr regiment/ so sich in die selben erstreckt/ das  
gange Teutschland der massen kund/ das sie es entlich darfur  
halten müs/ das nichts vesters noch verwarthers allem Turck  
schen Gewalt zuwidersthen vnd auff zuhalten/ denn dasselbi  
ge ist. Denn es sicht mich allein das einige Teutschland auß al  
len andern für dasselbige an/ in welches Gewalt stehe/ eintwe  
der offentlich in freiem feld mit dem feind zu kriegem/ oder des  
selben gewalt auß den Stetten vñnd mauren abzuwenden.  
Welcher Stet sie so ein grosse meng habē/ das es sich lest anse  
hen als hang ein Stat an der andern/ welche auch der gleich  
en sindt/ das sie mit gebew der heuser/ mit bevestungen/ grös  
sen/ vñ menge der selben / alle andere Stet (wo halt die selben  
sein mügen) leichtlich vbertreffen/ Auff welche sich auch das  
land der gestalt verlest/ das sie verhofft ein jezliche müge für  
sich allein aller gewalt des Solimannj vorstehen. Vñnd auch  
nit unbillich. Denn wer wolt der sein / der vermeint das der  
Turck Nürnberg / Augspurg / Wittenberg / Lubeck / vnd an  
dere vnzelig (welche ich derhalben außlasse/ damit ich E. M.  
nit verdrieslich sey) Wer/ sag ich/ wolt der sein/ der vermeinet  
das der Turck solche gewaltige/ dapffere/ vñnd wolverwarte  
Stet so leichtlich einnemē solt: dieweil Wien/ so disen allen in  
vilen geringer / zwir von inz auffs allerhefftigst oberzogen  
vnd bestritten worden ist/ dennoch allem seinem gewalt / vnd  
kriegkrustung mit einer einigen mauren vorgestanden. Vnd  
mit der selben mauren auch dem Türcken geweret/ das er wei  
ter mit seynem gewalt nit kōmen hat mögen. Das also er mit  
aller macht/ wie groß die selbig ymmer gewesen ist/ an der ey  
nigen stat sich abgestossen hat/ das er seynen hauffen zum an  
deren mal geschwecht vñnd abgemergelt / vngeschafft hat  
wider

wider müssen haim füren / das in auch seyner rath vñnd be-  
legerung nitein mal gerewet hat.

Dieweil nu Wien so mechtig vñnd gewaltig dem Turcken  
widerzustehn gewesen ist / was maint **L. M.** das er für hoff-  
nung haben müge / So er die andern Stet Teutsches lands  
welche vil gerüster vñd vil vester sein / antreffen wurde. Der  
do eins tails vō natur / eins tails mit vleis vñ grosser mühe /  
eins tails mit vnzelichem volck beuestigt vñnd bewart sein.  
Dieweil er nu zum teil mit seinem eigenschaden / vñ zum tail  
auß anderer anzeigung erfarn hat / das er Teutschem land ni-  
chts abbrechen möge / So muß er aus vil versachen bey sich  
selbs fursehen / das er seines glucks vñd wolfart höchlich miß-  
braucher / weñ er den krieg dahin wendet / da er nit minder mü-  
he / mit mauren / gräben / vñd Schutten haben müß / deñ mit  
den leute selbs. Mich gedunckts zwar das er nichts weniger  
vorhab. Deñ er waiß wol das er mit anderen leuten in Teut-  
schen landen zuhandlen hab / deñ vorzeiten die Cappadocier /  
Cilicier / Syrer gewesen sein. Er wirt hie keine Phryges noch  
Phrigesche offne sterlein finden / Sondern die rechten waren  
Teutschen / so mit Tapferkeit / waffen vñ Stetten andere weit  
vbertreffen. Vñnd so oft er nur an solche gedenckt / wie hoch  
mütig grob vñd Barbarisch er ymmer sey / So muß er den  
noch sein gemüt vñd syñ anderhwo hin wenden.

Ich setz es aber also / es gelt dises so yetz gesagt ist / nichts bey  
im / sonder er fahr also / wie denn in solchem gluckseligem fal  
geschicht / blindt vñnd vnuerstendiger weiß fort / So wirt er  
dennoch diß nit verachten kunden / das er waiß das **L. M.** be-  
land ist / Teutsches land müg nicht zu grund gehn / es fall deñ  
zugleich auch das land Poln mit. Vñnd solches / wo sunst ia  
nichts anders / wurde **L. M.** bewegen / das sie jr vñd irer vn-  
therthanen wolfart / in Teutschen landen beschuzenn wurde.  
Solches weil ers merckt / wurd er **L. M.** vnangefochten vñ  
bey krefften bleyben lassen / das sie ime auff den ruck mit aller  
macht

macht nachjage vnd verfolget: Vnnd wirt nit achtung haben wie **L. M.** zuvor von im erlegt vñ niedergedruckt werden möge/welche nit ober gebawte Stet/sonder allein vber die menschē zu herschen/sich nichts anders deñ allein offnes kriegs vñ freyer hand zu trösten hat. Solche wirt er rühen lassen: vnnd nit vil mehr vberziehen ehe deñ er etwa aus Vngern anderß-wa ein tryt fortfare/das er also on alle sorg/durch zugang **L. M.** gewalt vnd Reichs gesterckt/nit allein die Teutschen/sonder auch alle andere völdter/desten süglicher bekriegen vñ vberziehē möge: Warlich **L. M.** soll gewiß wissen / das er tag vñ nacht mit disen gedanken allein vñt gehet / deñ dahin gehören sein bündnuß/sein meineid/die Walachey/ so er **L. M.** abgedrungen/ vnd Vngern so er eingenomen hat. Vnd diß ist die vrsach des kriegs wider die Teutschen/ nit das er Teutschland begere / sonder das er die Teutschen von dem Vngerland abwende / durch welches er im mit grosser mühe/ein weg ins land Poln bereydet. Vnnd dieweyl er nu solchen weg offen hat/vñ mit so grossen grim wider das land Poln entzünd gerissen wirdt / was mag hindern das wir vil ehe gedencken wolten/er würde nu auß Vngern in Teutschland vñ nit in Poln sein zug fürnemen: welches land er weyß / das es mit keiner maure bevestigt/ auch sich auff kein vorwehr / noch gebew zuverlassen hat/ sonder frey offen / vnd an allen orten leichtlich zuverziehen ist:

Wie wenn in auch nu mals keyne vrsach hindert/von welcher wegen er den krieg lenger auffschieben müste: vnd ich ihr vil dar there/von welcher wegē er vnuerzogenlich hieher außnot ziehen müste: wer wolt als deñ gedencken/das er die Teutschen ehe deñ die Poln bekriegen wurde: Deñ wes besorgt sich Solimannus sehr/denn das nit **L. M.** etwa mit den Teutschen sich verbinde: Deñ im vorher lengst/die freuntschafft/so **L. M.** mit den Teutschen Fürsten/zum theyl durch Hedwigen ire Tochter / zum theyl durch ire Schwester so juen ver-

mehelt worden/gemacht haben/ist verdecktlich gewesen: yetz  
aber ist's im nit mehr verdecktlich / sonder ganz vnd gar erschrecklich/da er sieht/ das die Tochter Ferdinadi E.M. Son  
vertrawet ist/mit welchem Ferdinando er nit allein vñ land  
vnd leut/sonder auch vmb leib vnd leben krieget. Wirt er nu  
auch also vnuerstendig sein/das er nit mercke/das sich E. M.  
nicht woll zymmen/noch gebürē/des selben Königs wolhart/  
Gewalt/vnd Eer zuverlassen/Welchem sie so durch ein heylige  
Bündnuß/vnd nahete freundschaft verwand vnd zugestellet  
ist: Vñ ob gleich durch des Ferdinandi schaden/E.M. Königreich  
gantz kein gefellichkeit entstehen möchte/ Dieweil aber nu  
Solimannus mercket/das E. M. nit allein mit freundschaft/  
sonder mit gleicher gefeligkeit verwandt ist/hüt er sich mit  
allē fleyß/das sie in nit etwa/so er in Osterreich fort züge  
auff dem rucken oberfalle/oder aber in die weyl er sich bedencket/  
vnd die sach auff scheidt/den weg hieherein zukommen verlege.  
Solches vnd anders mehr/so ich vmb kurz willen hie außlas/  
weil ers öffentlich sieht/wirt ers nit lenger auff schieben/  
sonder als bald er Vngern in vnterworffen/wirt er E.M.  
dergestalt erscheinen/das er mit eyl vnd geschwindigkeit  
ire Kriegsrüstung vnterdrucke/ vnd den lang gesuchten weg/  
von seynen vorfarn/den er entlich mit grosser mühe vñ arbeit  
kam hat geoffnet/in Poln zuziehen verbringe. Vñnd was wil  
in halt an solchem vorhaben hindern? die ort vnd gelegenheit  
des landts/oder Walachey etwo E.M. Landen vestes blockhaus?  
aber die selbig ist schon ganz ins Türcken gewalt. Oder  
villeicht das land Vngern? so etwo der Poln bestes güte/  
Schatzkammer/vñ kornkasten in nöten gewesen ist? Solchs  
aber sieht E.M. vor iren augen/ ganz jemerlich zerknirscht  
vñnd zerstrewt. Oder wird in die zeit hindern? wie het er  
aber besser zeit haben können/den jetz / so die Teutschen auß  
dem Vngerland geworffen sind? Es sey denn (wie etliche sagen/  
welches wir doch verlengst verworffen habē) das er auß  
Vngern

Vngern in Teutschland fortziehe. Ja ich gelaubs/ Soliman  
nus wird so herrisch sein/vnd ehe mit der Teutschen mawren  
vnd Steten kriegen/denn mit den offenen veldern der Poln/  
welchen auß zweyen nur eins zuerwelen ist/entweder obfigē/  
oder sterben/vnnd dazwische ist keyn mittel. Denn der Poln  
macht ist nit mit graben oder mawren/sonder mit wehr/vñ  
waffen groß wordē. Dieweil aber der Türck die seinen nit an  
die Teutschen gebew wagen/nach **E. M.** auff dem ruck lassen  
wirdt/ist nichts mehr vberigs von welches wegē er nit stracks  
zur lang betrachten thet greiffen. Vnnd wer will halt daran  
zweyffeln / das Solimannus nit in Teutschem land Poln/  
sonder in Poln Teutschland vmbzuszurgen fort habe? Zwar  
die vberbleibende stucklein des landts Vngern / auch Petrus  
auß der Walachein/ solten **E. M.** aiest. gnugsam vermanen/  
warnen/reyzen/vnnd sagen/ das sie diß groß vnglück fliehe/  
vnnd sich nicht auff die Bündnuß / gesellschaft/nach auff die  
Trew Solymanni etwa verliesse. Vnd so es ja **E. M.** noch  
nit durch sonil offentliche Türckische bübenstück gnugsam er-  
kent/das Solymannus durch keine bundnuß gehalten / noch  
mit keiner Trew so er gebē hat bezwungē/nach auch durch kei-  
ne vrsach/ **E. M.** mit kriegen zu vberfallen verhindert werde.  
So bitte ich sie wölle nur yetz beherrigē/was für Botschafftē  
er zu jr gesend hat/was anblick die gesanten/vnd was gestalt  
jr rede gewesen sein. Vñ solches alle mal zu vor/in sonderheit  
aber zum nechsten / da er den Edlen vnd Vesten Prethwitz  
durch Bunds recht von jr begert hat/als den wirt sie leichtlich  
ermessen kündē / was er gegen jr willens vnd sinnes sey. Den  
es verdreust mich schier zusagē auß wz vrsach er dē Prethwitz  
begert hat. Nemlich dieweil ers allein hindert/das zwischen  
jme (dem Türcken) vnd **E. M.** kein bestendiger frid mög auff  
gericht werden / warumb aber das? Eben darumb/sagt er/  
das er die Moscouiter so auß Rußsen mit eim grossen raub  
heim zogen / bey Scacouen geschlagen/den raub sampt seinē

dapffern kriegsvolck mit sich heym geführt hat. Surwar diß  
ist ein schone herliche vrsach von welcher wegen der Bund solt  
zubrochen heissen. Vnd dieweil er dennoch solches alles gar  
vnuerschemt/ vnd mit grossen obermüt/ im zu zustellen be-  
gert/ ist öffentlich das Solymannus nie kein friden mit **L.**  
**M.** g. macht hat/ sondern nur durch den Bund des kriegs auff  
geschoben / biß das er füglich er ort/ vnd zeit hette. Denn nach  
dem er yetz das Vngerland besitzt/ vnd die Teutschen darauß  
vertreibt/ so erdicht er vrsach vnd schuld wie er kan vnd mag/  
das also ein yeder leichtlich künde ermessen / das er beyde mit  
that vnd rath vorlang her mit **L. M.** ein krieg geführt hab/  
yetz aber erst denselbigen durch die Botschafft laß verkündi-  
gen. Den was wollen diese wort anderst? **SCHAFS** das  
mir der raub zugestelt werde. Warumb das? Darumb/ ob sie  
gleich woll durch Bundesrecht dein ist/ so ist sie dennoch durch  
die falsche Trew recht mein. **DE N** Pretwitz schaff ab von  
meinen grenzen. Warumb? denn er ist zubeschwerlich/ vñ ein  
grosse hinderung/ das ich mich der Walachen vnd Moscoui-  
ter nach meinem willen gegen dir nicht gebrauchen kan. Sol-  
ches würd er eygentlich antwortē so er die warheit reden wolt.

Über das sind auch die red zuermessen/ so allenthalben von  
seinen leuthen ( so mans anderst redt nennen soll / die grossen  
Asiatischen dienstfrew ) außgebreidt sind/ welcher **L. M.** bot-  
schafften in ein schendelichs laster auffgerupfft haben/ das be-  
schnittere menschē Tattern in **L. M.** gefengnissen gehalten  
werdē/ Desgleichen auch hat man Polnisch kriegsleut in der  
Teutschen leger vor Pest gesehen. Solches werd also mit hin-  
gehen/ vnd dergleichen vil mehr/ so sie allenthalben außgebē/  
welches alles **L. M.** newlich ist angezeigt vnd verkündt wor-  
den. Was nu solches anders bedente/ denn **L. M.** reichs ver-  
derben/ kan ich nit spüren. Vnd dieweil nu Solymannus sol-  
ches **L. M.** Reich an allen orten mit listen vmbgeben / auch  
all sein sijn daher wendet / vñ in weder trew noch Bundnuß/  
weder



weder gerechtigkeit noch heydnische gewonheit anfechten /  
Sonder in gegenwurff in alle umbstend hieher treyben / als  
da sein / die beste füglichkeit zum krieg / die freuntschafft vnnnd  
hindersassen der Teuschen / vnd welches das gröst ist / **E. M.**  
Sons gemahel / durch welche er merckt das die Poln ein ewi-  
gen Bund mit den Teutschen auffgericht haben / Solches / sa-  
ge ich / weil ers merckt / vnd vor augen sicht / wunscht noch be-  
gert er anders / denn das er von stund so schnell er mag / das  
land Poln vberfalle / gegen welchem er der gestait entbriendt  
ist / das er auch wider sein willen herauß schürt / alles so er lang  
wider **E. M.** zuhandlen gedacht hat / welche auch **E. M.** wi-  
der in sehr dienstlich sein / vnd sie fürsichtig machen / damit sie  
nicht vngerüstet wider in so er kumpt gefunden werde.

Dieweil nu dem allen also ( wie gesagt ) ist / was hinderts  
denn das **E. M.** jres vaters / vnd ewers vaters / vnd in son-  
derheit jrer selbs tugent nit ingedenckt sein / vñ sich auffrichte  
mit gewaltiger hand ( welche mit vilen Asiatischen triumphē  
hochgeziert ist ) jrem vnd jres reichs feind zubegegnē. Damit  
sie den Türckischen grimm von dem selben abwende / vnnnd jme  
den selbē weg / welcher vorher ins land Poln lang verschlossen  
gewesen ist / mit jrer manheit vnnnd tugent wider verschliesse.  
Es sicht ja **E. M.** mit was gefelrigkeiten sie umbgehen / vnd  
wie sichs an allen orten zum fall neiget / Den hie ligen vns die  
Moscouiter auff dem halß / am andern ort ist die Malachey  
verlorn / am dritten haben wir kein zusflucht mehr zum landt  
Vngern / sondern auß dem selben ein offnen krieg zuwarten.  
Das also die ienigen / so zuvor **E. M.** mit Trew vnd Freunt-  
schafft verwandt gewesen / yetzund dem Türcken zu hylff wi-  
der **E. M.** geweest sein / Welche doch hertzlich beweinen /  
das sie durch nachlessigkeit der Christen dahin getriben seind /  
wehr vñ waffen zunemē / mit welchen sie jre Brüder die Poln  
umbstürzen / vnd den Christlichen glauben / den sie mit jhrem  
blüt im Vngerland bedeckt haben / auch im land Poln auß-

votten solten/welches alles zuverbringen jnen wider die Teut-  
schen/so nu mit vil schlachten von Türcken müdt worden we-  
ren/noch die hoffnung des kriegs ins Teutschland zuwenden  
sie hindert. Das wir also negst Got all vnser hoffnüg so noch  
vbrig allein auff **E. M.** zusetzen haben. Denn was wolt vns  
durchleuchtigster König in souil gefehrlichkeitē/ mit welchen  
wir vmbgeben/ erhalten künden/so wir **E. M.** weißheit be-  
raubr werden: Den wir vil mehr durch die selben **E. M.** weiß-  
heit bissher bestanden sein / den durch vnser wehr vñ waffen/  
also das wir dieweil Gott solche hohe gaben **E. M.** reichlich  
mit getheylet hat/dise ganze zeit so **E. M.** regirt/nie kein auff-  
lauff gehindert / noch keine gewalt des feinds vns obgesiget  
hat. Sondern nach dem wir daheim durch **E. M.** weißheit  
still/vnd außwendig durch ire waffen sicher/sein wir bis zu di-  
sem **E. M.** höchstem alter vnbeschedit erhalten worden.

Ich bit durchleuchtigster König **E. M.** wolle nur ein klei-  
nes mit mir betrachten/was gestalt vñ lauff beide jres alters  
vnd reichs bisshier gewesen sein/ wie wandelnütig / zwey-  
felhafftig vnd aller gefehrlichkeit vol. Dis ist nu das sechs vnd  
sibenzigst jar **E. M.** alters/die halbē zeit hat sie regiert. Was  
ist nu für zeit in disem gewesen/welche nit klerlich anzeige / dz  
**E. M.** auß sonderlichem rath Gottes den Poln zum König  
gegeben sey? Denn dieweil durch zwey stuck fürnemlich alle  
Reich/ vñ Königliche scherze erhalten werden/nemlich durch  
Gluckseligkeit/welche auß Götlichem willen herfließt/vñ  
fürsichtigkeit/welche durch anregung vnd vbung rechtmessi-  
ger vernunft bekummen wirdt. Wiewol aber dise geringer  
ist/denn die vorige/so ist sie dennoch höher zu achten/denn alle  
andere güter so dem menschen gegeben werden mögen. Vñ  
wie höher dise beide stuck in menschlichem leben sein / ye selza-  
mer werden sie einem allein von Got gegeben. Den was hat  
**E. M.** brüder Johan Albrecht an der höchsten weißheit ge-  
mangelt: dennoch ist nie keiner vnglückseliger erfunde. Dar-  
gegen

gegen aber wer ist gluckseliger gewesen im gangen land Poln/  
denn Boleslaus: diser ob er gleichwol von wegen der dapfern  
thaten kein gesprochen würd/ ist er dennoch nit allein vnfür-  
sichtig/sonder auch ein entwichter mensch gewesen/ das er auch  
in solche schand vnd laster fiel/darvor vns yetz allen grawset.  
Vñ wie nu Johan Albrecht/ dasjenige so weißlich fürgenom-  
men zu vollführen durchs gluck gehindert würd / also hat auch  
Boleslaus/ als er sich durch gluckliche wolfsart zu hoch erhüb/  
das reich ehe verlorn/denn er seiner begirde west maß zusetzē.  
E. M. aber ist disen in beiden stucken vngleich/denn sie hat  
solche dapffere thaten begangen / als zuvor wenig oder gar  
keiner im land Poln geübt haben. Vñ hat doch das gluck nie  
mehr geschafft denn E. M. weißheit außgericht hat. Seinte-  
mal alle thaten wie sie ordentlich vñnd weißlich angefangen  
wurden/also jren außgang genommen haben. Denn E. M.  
nit jr Reich am grossen mehr/oder ire Ehr am hymel enden  
hat wöllen (wie der Poet spricht) Sonder mit frid/eynigkeit/  
vñnd rühe das selbe erhaltē. Also hat sie jr den weg zum himel  
nit mit thaten der erschlaggen corper gemacht/sonder mit er-  
haltung der Religion/ wolfsart vñnd freyheit der jenigen/von  
welcher wegen weil sie souil vñnd so dapffere krieg gefürt/sie an-  
derst nie gesehen worden ist in streit außziehen / sie weren deñ  
das mit dem sig wider kummen/Vñnd in disem allem wie die  
fürsichtigkeit dem gluck nichts wiche/ so vermöchte auch die  
gluckliche wolfsart nichts E. M. müß zuerheben. Welche mes-  
sigkeit mit nichten het kunden gehalten werdē/wo E. M. nit  
derhalben krieg gefürt/des sinnes/vñnd gemüts gewesen we-  
re/das sie nit jr/sonder Christi reich/nit jr sonder Got des al-  
lerhöchsten Ehre suchete vñnd biß an hymel erhübe. Daher  
kam es das E. M. bey allen solchen thaten so sie daheim weiß-  
lich/vñnd daussen glucklich begangen hat/kein sonderlich rum  
noch lob begeret / Denn allein den gemeinen / nemlich das sie  
die Religion erhalten hette. Das also E. M. nicht allein für  
den

den Christlichste König gehalten / sonder auch der aller Christlichst mag billig genent werdenn. Welchen hohen trefflichen namen sie nit mit Worten sondern mit thaten / nit mit freyheiten / sondern mit waffen zu wegen bracht / vnnnd erlangt hat / auch vil mehr der aller Christlichst wöllen sein / denn genem werde. Damit sie nit in gleichē laster möchte erfunden werde / (so sie nichts solchem namen gemäß an jr hette ) in welche diejenigen stecken / welcher waffen vnd sig nit zu gemeiner Christenheit nutz vnd besserung / sonder zu eygner lust vnd begird furderung geneygt sein. Welche auch solchen namen ( der aller Christlichst ) zu der Christen verderben / vnnnd zu austrotzung vnser Herrn Christi gebrauchen / die selben weñ sie thun wolten das irem namen wol anstünde / wurden sie Keyser Carolum nimmer mehr hindern / das er der gedrengte Christenheit zu hylff keme / noch sich wider die Christen mit den Türckē verbunden haben. Welche Christen / dieweil sie **E. M.** allenthalben durchs schwerdt fallen sicht / in wem wolten wir nu andern den bey **E. M.** Durchleuchtigster König hylff vn̄ hoffnung haben / oder zu wem sollen wir fliehē / wen sollen wir anruffen denn **E. M.** Denn was möchten nit allein wir / sonder auch diß ganze reich fur heil habē / wo **E. M.** nit thette. Dieweil aber solches reich **E. M.** biß auff disen tag mit vilen vnd manigfeltigen ihres leibs geferligkeiten erhalten hat / bitten wir vn̄therthenigklich sie wölle vns yetz in dem letzten lauff jres alters auch nit verlassen. Den̄ wē hat **E. M.** dz land Poln mit so heiligen vnd ehrliehen sagungen zugericht / wem hat sie dises weite reich bereitet / wem will sie diß alles verlassē. Irem Son / welchem seine jugent vnd des Solymanni nachbarschaft ein vngewiß reich macht. Oder wils sies vns verlassē / die wir yetz fur forcht zweyffelen / vnd fur sorgen verschmachten / oder vileicht der vbrigen Christenheit / diß sicht **E. M.** durch einheimische krieg in sich selbs zu boden gehenn. So muß nun dem Solymanno bereit sein / denn sonst ist nichts vbrigs.

vbrigo. O der grossen hartsal / vnd der vergeblichen hoffnüg  
so wir gehabt haben. O der vnnutzen sorg vnd angst **E. M.**  
Seintemal es dahin reichen soll/ das der gewlich Tyrän So-  
lymannus **E. M.** Reich/Recht vñ gesetz von jr geordnet/Ge-  
brauch vñ Religion Jesu Christi/ von jr erhalten/ oberweltigē  
vnd außleschē soll/ auff das er in Poln des Machomet's reich  
an rychte/ vnd die gotlosen Bassa vñ Türckischen sew/ die kir-  
chen beraube/ die Altar zerreiß/ der alten begrebnuß zerstore/  
die kinder vor der elter augen/ die weiber vor iren eygenē man-  
nen schende/ vñnd gewlich on alles erbarmen/ alle haß vñnd  
güter zerrutten/ vnd darzu auch den Polnischen namen sampt  
dem geschlecht außrotte vñnd vertilge. Vñnd endlich (wie  
wirs denn gesehen haben da er Strigon eingenumen hat) al-  
le Poln zu todtschlage/ das die pferd biß zum knie im blüt wa-  
ren / alles land seine Machomet heilige / in welchē land gere-  
girt/ Christum geehrt/ vñnd begraben sein alle **E. M.** vorel-  
tern/ Die selben allen so sie mit einer stim reden möchten/ wur-  
den sie nichts anders sagen denn diß: König Sigmund wir  
haben vorzeiten in disem land/ in welchem yez du regirist / vñ  
weil wir solches mit vnsern waffen erhalten/ vnd dir vberge-  
ben/ haben wir vns nichts besorgt/ das etwo des Türcken ge-  
walt/ welches vbermaß außzurotten wir dir besolhen vñ vber-  
geben haben/ disem reich schaden solt/ denn es kan kein grim-  
miger denn Amurathes / noch kein mechtiger denn Machu-  
metes/ noch kein trewloserer feind den Baiasetes nach vnsern  
absterben disem reich widerfahren. Welche dennoch alle gedun-  
gen worden sind von vns Friden zubegeren/ vnd mit der hoff-  
nung sind wir in disem land begrabē / Nie habē wir vnser ge-  
dechnus/ vnser begrebnus/ vnd zeugnus vnserer tugend vnd  
dapffern thaten vns auff zu richten besolhen/ welches alles vn-  
ter dem schutz vñnd schirm deiner wehlichen hand solt sicher  
sein. Tu sichst du aber das solches alles wider vnser hoffnung  
bewegt wirdt/ allein fur forcht des zukünfftigen Solimanni/  
C Derselbig

Der selbig wirt nun yetz under da sein / vnd an vns todten seiner  
vorfaren todte rechen / grewlich vnd Tyrannisch wider die Al-  
tar / vnd vns begrabnen wüten / disen herlichen raub / vnd dise  
herliche Triumph zeichen / welche wir in vnserem leben dem  
Türcken genommen vnd abgeschlagen / mit welchen wir alle  
vnser reichs Tempel vnd gebew geziert haben / wird er hin-  
weg nemen / vnd sampt vnserm gebein vertilgen werden.  
Damit nu solches nit geschehe / ist's König Sigmund in son-  
derheit zu verhüten befolhen / Vnd auff's aller fleysigst zube-  
trachten / wie du dises alles so wir auff's Herlichst hinder vns  
verlassen haben / welches du auch in Tempeln / Rathusern /  
vnd im gangen Reich sichst / mit deiner macht / tugent vnd  
kressen erhalttest. Vnd auch die heiligen gebrauch vnd Reli-  
gion vnser seligmachers / welche wir selbs auff's andechtigst  
geehret vnd gehalten / euch vnd vnsern nachkumen befolhen  
haben / mit allen trewen beschirmtest. Vñ entlich befehlen wir  
dir / dise Poln / welche wir vorzeyten beschuzt / dises vaterland  
für welches wir vil blüts vergossen vñ dise vnser begrebnus  
in welchen wir yetz rühen. Denn du König Sigmund kanst  
der Poln freyheit woll erhalten. Denn du allein mit allen de-  
nen tugenden begabt bist / welche wir einzelich allein gehabt  
haben. Denn vnser keyner mit weyßheit vber dich gewe-  
sen ist / auch keiner mit dem gluck dir für zu ziehen / vnd wenig  
vnter vns sind dir mit den thaten zu vergleichen. Verhalben  
heben wir demütigklich vnser hende auff zu dir / vñ wir so ver-  
storben sind bitten von dir / das du mit deinen hohen gütern /  
dise drey zugleich beschirmtest. Erstlich der deinen freyheyten /  
hernach deine wolfart / vñ zum letzte vnser rühe. Damit du in  
disem freyen lande sicher regieren / vnd wir sicher rühen mü-  
gen. So alle / wie ich gesagt hab **S.M.** voreltern / mit einhelli-  
chem mund reden solten / wurden sie sich der redt gebrauchen /  
Dieweil sie aber solches nit kunden / so befehlen sie also todte  
**S.M.** dises regiment / dises vaterland vñ dise vntherthanē /  
welcher

welcher aller wolfart vtzund in grossen zweyffel sein **L. M.**  
vor augen sehen. Denn wir haben hie nit mit den Tartarn  
vmb das land Reussen zu kriegen / die nur des raubs nit des  
Reichs begeren. Noch mit den Moscouitern vñ die Littaw/  
nit welchen **L. M.** nach allem irem willen kriegē mag. Noch  
vmb das land Preussen mit den Teutschen / welche **L. M.** ge  
leich so sehr lieben wenn sie vnter / als sie die selben fürchten  
wenn sie obligen. Sondern wir haben zu handeln mit dem al  
ler bittersten vñ hefftigsten / ich darff in kein feind nennen / den  
der nam ist im zugerung / sondern mit dē trewlosen eidsbrecher /  
verechter der bündnus / verwüster alles menschlichen rechten /  
schaden vnd verderbung alles des so vnter den menschen hey  
lig / ehrlich vnd billig gehalten wirt. Der auch nit ein einigen  
theyl vom land Poln / nit der leut / nit das reich noch heerschaft  
in gutem stand zubekommen begert / Sonder also / das nit  
ein zeychen / nit ein bluts tropff / noch namen der Poln mehr  
vbrigs sey. Dis allein wunscht er / das begert er / darnach deckt  
er / das er hieher die Türcken setze / vnd dise Tempel dem Ma  
chomet heilige / dise Stette / dise felder / dise flecken mit Sara  
cenen besetze / Damit er von himmen sicher reysen möge wohin  
er wölle / vnd bekriegen wer im darzu gefellig ist. Vnd so nu  
**L. M.** sich ime nit entgegen setzt / vñnd mit dem ersten wider  
in außzeucht / was will sie irem Son für hoffnung / vns / vñnd  
ir selbs für trost lassen / wo mit will sie ir alter erquicken / wel  
cher Got vermeint **L. M.** der ir werde zu hylff kommen / weñ  
sie sich selbs verlest / selbst veracht vnd hinwegwüfft. Diweil ir  
reich noch bey wiriden / ire scheze noch vnuerfert / vñ radschla  
gens rechte zeit ist. Es sieht ja **L. M.** dz der Bund nichts gilt /  
vñ merckt mit was grossen grimm vnd zorn er wider dis land  
bewegt ist / vñ merckt nit das den Türcken der weg durch Un  
gern hieher offen stehe / vernimpt auch nit wie Solymannus  
durch die Walachey ins land Poln eyler / nimpt nit zuherzen  
was er in Griechenland / Brabaten / Dalmatien / vnd in Un  
C ij gern

gern gehandelt hat. Erschreckt sie nit ob dem? sieht sie sich nit  
für? Oder sie gedēckt vileicht/sie werde durch den Bund gehal-  
ten/das sie wider in nit kriegen dürffe. O vns hartseligen leu-  
then/Seitental wir anders nit haben mögen verderben/ den  
durch den auffgerichtē bund/ Oder hat Solymānus in Polin  
nit regieren mögen / es hette im denir zuvor vnser Religion  
den weg dahin geoffnet? Glaubst auch **L. M.** das etwas an-  
ders disem trewlosen menschen (so vnter allen so geborn sindt/  
den weder trew/glaub/eid/scham/nach Gottes forcht von sei-  
nen bösen furgenūmen thaten je abgeschreckt haben) je für-  
derlichen gewesen sey/denn bundnuß? meyneid? duck? betrüg?  
vñ in Summa allerley falsch vnd vntrew? welches alles ware  
zeugen sein. Griechenland/welches er mit betrüg vñ meineid  
vnter sein herhschafft gebracht hat/die Walachey welche er **L.**  
**M.** als sie mit einander in bundnuß vñ freund warē hat abge-  
drungen. Das Vngerland in welches verwüstung er öffent-  
lich bezeuget hat/das er weder Gott/nach Götlich gewalt/  
durch welche alle ding erhalten werden/furchte/ Denn was  
hat er doch für bübenstruck gespart/da er Solens zerstört? wel-  
chen Got hat er nit beleidigt da er Strigon eingenummen hat?  
welche krafft Gottes / welche Religion / welche Trew hat er  
nit veracht noch zerbrochen/als er Stülweissenburg begeret?  
Den es kein ding weder in himel noch erden gewesen/bey wel-  
chem er nit geschworn hette / weil er dise ort eynnam / das er  
entlich an der auffgebüg sich settigē/die bürger wohin sie wol-  
ten/ziehen wolt lassen. Vñ hat auch solches zuhalten bey dem  
Thron seines reichs geschworn. Da sehe nu **L. M.** zu / wie er  
solche zusag vnd trew gehalten habe. Denn als bald er Stri-  
gon eingenummen/vnnd die elenden bürger daselbs vber die  
Donaw ziehen lassen/hat er von stund geordnet etliche/wel-  
che den armen fluchtrigen verjagen nacheilten/vnd den selben  
gangē hauffen/der sonst vnglucks genūg gehabt hette/auffs  
grewlichst vmbgebracht haben. Vermeinet nu **L. M.** das sie  
etwo



etwo ein redlichen Bund mit ein solchen man haben kündet  
oder wird sie sich auff seine trew verlassen dürffen/ oder wirdt  
sie sich die verkerten Bunds Religion hindern lassen / das sie  
ein solchen schendlichen vnd trewlosen feind nit von irem vñ  
der jren hals treibe/ Welcher doch so gantz vnd gar alles men  
schlichen sinnes beraubt / vnd aller billigkeit so vnwissent ist/  
das er gentslich vermeint/ trew/ vnd glaub / bundnuß vñnd  
eydsplicht sind nur darzu erdacht/dz er sich der selben nach all  
sein mütwillen zum schaden vnd verderben menschliches ge  
schlechts gebrauchen möge. Denn dieweil aller andere sig vnd  
victori (so sie haben möchten) durch bundnus auffgehebt vnd  
geendt werden/so fahen sie sich hie erst bey disem an / also das  
er sunst nichts gewinnē kundre/er machte jm den durch bund  
nuß ein weg zum sig. Vñ wiewol er von natur zu solcher treu  
losen art geneigt/vnd geborn ist/so sterckt in democh des Ma  
chomets gesetz nit wenig in solcher art zubeharren. Welches  
leret/es sey nit allein kein funde einen Christen ombzubringē/  
sunder die selben auff was weiß es geschehen möge zu betrie  
gen/vnd auß dem weg räumen/sey den Türcken ein köstlicher  
Gots dienst. Vñnd nach disem gesetz mag er Solymannus  
wol der groß genennet werden/Vñ durch dises wirdt er auch  
für ein erschrocklichen Sigman gehalten/ weil **L. M.** durch  
den auffgerichtten bund jr nichts zu zemmen/er aber dargegen  
jm alles frey vnd offen zuthun sein vermeint. Das er sich al  
so aller süglicheit wider **L. M.** zuhandlen/welche sicher vñnd  
in der meinung ohn gefahr ist/braucher/weil er sich nit besor  
get/das etwo **L. M.** so sie schon von jm beleidigt wurd/inne  
derhalben etwas widerwertigs zufüget/dieweil er alle **L. M.**  
furnemen/ vnd allen jren gewalt mit aller betrüglicheit/ mit  
bund vnd meineid auffsetzet/vnd verhindert/also das er ni  
chts mehr vbrigs **L. M.** gelassen hat/durch welches sie nicht  
für ihm sicher sein / denn allein dise cynige warnung / das sie  
jme furbaß keinen glauben/auch in dem geringsten nit gebē.

Derhalben weil nu **L. M.** öffentlich vor augen sicht / vnd erfarn hat alles thün / mit welcher Solymannus bissher durch betriegung ist obgelegen / was ist nu? Darumb **L. M.** also müßig des Tyrannen hie beytret? oder was hinderts / das sie nit Got zuhylff nimpt / vnd alle seine heimliche dück / welche er **L. M.** vnnnd dem ganzen Polnischen namen zubeweisen vorhat / mit allem fleyß / mit aller embfigkeit vnd eyle entgeheth / die selben abwend vnd zuboden schlegt?

Vnnnd soll hie **L. M.** genglich hoffen / der almechtig Got werde jr in solchem zu verbringen trewlich beystandt thün / Denn dieweil er seinen glauben / seine trew vnnnd eydt / erstlich mit meineid / vnd hernach mit allerley dückischen listen zerstöret / wirdt ihm nit so vngestraft hingehn / Sonder eben der selbig Got / welches Religion / ordnung vnd sitten **L. M.** verthetigt / wirdt fur sie streiten / vnnnd nit zu geben das zu gleich mit dem so **L. M.** reich vntergiang / auch sein reich in disem menschlichen leben außgetilgt werde. Vñ der Got rufft auch **L. M.** mit klarer stim disen krieg anzusagen / vnd auff sich zunemen / weil aller völdcker einhellig stim in solcher fahr vor augen sein verkündigt. Den Got pfeget anderst nit mit vns zu reden / den durch solches gemeines der leuth sagen / vñ gemummel / vnd gibt kein ander zeichen / welche vns kön machen solen / denn solche füglicheit / beider zeit vnd stet / welche so sie geschickt vnd füglich sein das zubekommen so wir begeren / das on zweyffel denn er wol eben das so wir wöllen / vnd furhaben / Denn wer hat yetz die Teutschen wider die Türcken auffgeweckt? Die Walachen **L. M.** trew anzuruffen getriben? oder die Poln disen Türcken krieg von **L. M.** emblich zubegeren / vnd herauß zu nöten beredt? Niemandt anderst / glaube sicherlich durchleuchtigster König / denn die selbe Göttliche krafft / hat dises den Poln in sin geben / das sie das glengend gegenwertig vngluck mit gewerter hand von jnen treiben / vñ die Teutsche gereigt / das sie dem land Poln so sonst zu scheit-

ren gieng/ zu hylff kummen/vñ die Walachen getriben/das  
sie vil lieber vnter E. M. einem Christlichen Fürsten / denn  
vnter dem Machometischen Tyrannen sein wollen/auff das/  
so der Türck dort her von den Walachen / jenes ors von den  
Teutschen / hiein von den Poln in Vngern verschlossen ge-  
halten wurd / entlich Got der recher der Machometischen  
vntreu/der beschuzer seiner Religion/vñ vertheriger E.M.  
Königreichs/selbs dagegenwertig were/ vñnd die verdiente  
straff seiner trewlosigkeit von jme forderte/mit welcher er so  
vil völker vnd Nation vntersich gebracht/mit welcher er das  
reich Christi also geringert/mit welcher er alles was heilig vñ  
redlich vnter den leutē gewest/auffgedilgt hat. Entlich durch-  
leuchtichster König/dise grosse einheligkeit souil vnd so gros-  
ser volcker ist nit durch menschlichen radt/noch on sonderliche  
furschung vnd schickung Gottes entstanden / in welcher ( ein  
belligkeit) er gegenwertig ist vnd offentlich E.M. mit klaren  
worten vorsagt/ wem sie volgē/was sie verhüten/ vñ warauff  
sie achtung haben soll/in solchen offentlichen des Solymanni  
ducken vnd listen. Er warnet aber nit allein E. M. durch so  
vil völker mund vor disen vnfellē/Sonder vereinigt jr auch  
die umbligenden völker/mit welchen sie grenzen/ vñ gleiche  
fahr leyden/vnd auch nit die allein sonder auch die jenigē/ wel-  
che ob sie gleich wol fern von dainen wonen / dennoch durch  
den Christlichen namen vns nahend sein/wie den die Tugent  
hafften vnd getrewen Hispanier sein / vnd mit denselben/ et-  
wo der gangē welt obsiger/Die wolten dir alle freywillig von  
sich selbs/als die dapffern vnd streirparn helden/durch anregē  
Keyser Carolo E. M. hilff/ zu beschuzen die gemeinen der  
Christenheit freyheit/anbieten. Ich meldet hie auch die Fran-  
zosen/wo sie nit jrer väter tugent vergessen hetten/ vñnd alle  
Keyser Karls furnemen wider die Türckē mit gethanen fleiß  
hinderten. Vnd ob wir gleich dise außlassen/ so sicht dennoch  
E.M. w3 völker jr Got der Herr freywillig zugestellet hab/  
welche

welche er alle dar zu beruffen hat/das gleich als ein gemeynes  
fewr zu leschen/℞. M. reich zu schutzen auff sein. Vnd so sol-  
ches anderer zeit geschehe/ zu welcher vileicht ℞. M. keyne  
gefahz nahe were/so möchte jemandt wenen/er begeben sich nit  
auff Gottes schickung/ sonder ohn gefehr. Nun aber niemäd  
anderm grössere fahr auß Vngern den ℞. M. gedroet wird/  
vnd der Solymannus mit aller seyner macht/hieher sich wen-  
det/vnnd der feind durch keine trew mag gehalten werden/  
noch jemand im wehren das er nit schnell hieherein fall/ist dis  
allein vbrig durchleuchtigster König/das ℞. M. in allen iren  
sachen vnd reichen höchster fahr die wolthat Gottes erkenne/  
durch welche er ℞. M. vnd das ire zu beschutzen vast den gan-  
zen erdboden zuhelffen auffgeweckt hat.

Vnd wohin will nu ℞. M. dises furnemen anders deuten/  
das dabey jr in irem lande/vnd hofse entsprungen ist. Da alle  
menschen aller stende Jung vnd alt/souil jr nur seind von ℞.  
M. disen krieg fordern / bitten/ vnd mit threnen flehen vnnd  
herzlich begeren/ das sie ℞. M. durch den Türckischen bund  
wöl lassen zuscheytern gehn/noch in w3 andern/den in wehr-  
licher hand/spieß vnd waffen/ ires reiches heils hoffnung ha-  
ben/vnter denen sind am fordersten bereit die Polnische ritter  
schafft/der Todt vnd schrecken der Türcken vnd aller Sarace-  
nē/welche alle des müts sein/das sie/ob schon ℞. M. der hilff  
aller/von welcher jetz gesagt/entsetzt were/dennoch mit Got-  
tes hülff/vnd ℞. M. forgang / an menge vnd kriegßkrustung  
sich gnügsam bereit zu sein vermeinen/alle Türckische macht  
zu zerstören vnnd brechen. Welche auch yetzund/nach dem sie  
zuvor vilmalz zwyspaltig gewesen/durch dise einige ursach/  
als durch ein gemeins vnglück dermassen vereinet sein/dz so  
lang Poln gestanden keine zeit je gewesen ist/in welcher sie der  
massen alle so eben eines sins vnd begerens weren. Also das  
sie auch nur allein dises beschluß hoffen des gehalten Land-  
tags zu Piotrkou / das jnen/so vō Solymanno durch falsche

traw betrogen / vnd in solche fahr vnd forcht gebracht sein / jr  
vnd irer beyder weib vnd kinder / wolfsart vnnnd freyheit / mit  
dem schwerdt zu suchen vnnnd erhalten / von **E. M.** müg ge-  
gund werden. Vñ ist diser sin nit allein bey der dapffern löb-  
lichen Ritterschafft / denn auch der allerhöchste stand / der wir-  
digen Prierschafft / sich in gleichem furnemen vnd fleyß er-  
zeiget. Denn nachdem sie sehen / das die Religion Christi in  
der grösten fahr steckt / widern sie sich auff deren ding keines  
zu disem krieg darzu streckē / welche vnser vnsarn zu erstattē  
mancherley zufall des Reichs in den allerheiligsten orten ha-  
ben verwaren lassen. Den es ist ohn zweyffel **E. M.** bekant /  
die red so der Erwidig Herr Petrus Garanti oberster Bi-  
schoff newlich in dē Landtag zu Sredin gerhon hat / mit gros-  
sem zustimmen vnd frolocken der ganzen Ritterschafft. Da-  
er durch vil vnd mancherley exempel / auff alle fleissigst die  
Ritterschafft vermanet / das sich nichts besser zimmen wolt /  
den das man alle ding hindan setze / vñ allein auff disen krieg  
allen fleiß wende / in welchem allein alle dises Reichs wolfsart  
stehe. Vnd zu solchem krieg solten nit allein jene güter / so ein  
jeder fur sich selbs zu eygen hat / dargestreckt / Sondern auch  
alle die / so in allen kirchen fur die allerheiligsten gehalten wer-  
den. Solche red hat meniglich so woll gefallē / das yederman  
meinte sie wer nit auß menschlichem sonder Götlichen mund  
gangen / vnd sie mit grossen geschrey lobeten / das sie durch di-  
se güter so Got zugeeygnet sein / des Vaterlands wolfsart wi-  
der erstattet. Vnnnd ober dise sein auch da beyde Burger vnnnd  
Pawren mit allem irem hauffen / auch die aller erniesten / wel-  
che alle durch forcht der künfftigen knechtschafft bewegt /  
ire hend demütiglich zu **E. M.** auffheben / vnnnd derselben jr  
leben / jr Vaterland / jr hauß vnd hoff / ire güter / weyber / kin-  
der / vnd eltern zu schugen befelchen. Bringen auch zu **E. M.**  
all ire güter / vnd Burgschafft so sie haben / bieten auch jr eygen  
leib vnd leben zum schuz dises Königreichs **E. M.** dar. Der-  
selben

selben zuhelffen/sind sie alle mit gewerter hand bereit/vñ bitten/das doch **E. M.** eins mals sich auffmache/das sie dē **Solymano** so yetz hierein felt entgegen ziehe / vñnd sich mit auff die falschen trew/noch **Bundsreligion** etwo verlasse/vnd endlich das sie mit durch die **Türkischen** trewlessigkeit vns vnser leben nemen lasse/welches wir **E. M.** trew vnd tugent/in schutz/vnd schirm befolhen haben.

So aber ja **E. M.** vns so wir verderbē/den **Bund** so sie mit dem **Türcken** gemacht/surwerffen wolt/vñnd also sagen / sie wurde gehindert/durch die trew so sie ime dem feind gegeben hat. So bitten wir/sie wölle doch ansehen wie vnbillich vñnd gar nit zu leiden sey / das sie das für ein bund halte / welches doch der feind selbs **Solymannus** für nichtig schezet. Denn dieweil er sich der ding vnterstehet / vnd furnimpt wider **E. M.** welche disem **Reich** schedtlich vñ das end troen/wer wolt denn so toricht sein/das er dises vil mehr für ein **Bund** zwyschen euch setze/denn für gesebte hinderlist. Denn wir sollen die **Bundnuß** / nit auß den worten / sonder auß warhafftiger that/vñ gehaltenen trew beyder / der **Gesetz** vñ **Bundspflichten** ermessen. Den so die jenigen **Bundsgenossen** genend werden/welche gleiche trew im bund behaltē / vñ von welchem theil dieselbig gesprochen/ für bundsbruchig vnd trewloß geschetzt wirdt/Wie will nu **E. M.** vertherigen das sie mit dem **Solymano** ein bund habe/dieweil sie sicht/das er jr an allen orten begert/vnd zu wider ist.

Vnd dieweil in gemeinen hendlen die geding nichts geltē/sie werden denn von beyden theylen zugleich gehalten/das also der ander nit weyter durch die selben gebunden ist / wo sie etwo in ein stuck von dem andern gebrochē sein. Was soll den **E. M.** gedencken in diser sache/auff welcher irs ganzē **Reichs** wolffart gegrundt ist. Welches je grosser vnd mechtiger es ist/je mehr soll **E. M.** disen zerstorlichen schedlichen bund (welcher weder mit trew noch warheit verfaßt) nit für ein bund/sonder

sonder fur Machometische betrieglichkeit/düch/vnd hinderlist  
achten/welche alle vnter disem schönen vnnnd heiligen namen  
der bundnuß verborgen ligen. Vñ dieweil er solche bundnuß  
allein zu E.M. verderbē braucher/weren wir zumal toricht/  
weñ wir vns durch solche falsche bunds Religion binden lies-  
sen/vnd also gefangen freywillig dem Solymanno ergeben.  
Welches er von ganzē hergē begert/vñ wünscht nichts serers  
denn das eben E.M. des sins sey/nēlich das sie in lieber zum  
freund/denn zum feind haben wölle/biß das er die Teutschen  
gang auß dem Vngerland vertilge/die vbermaß der Vn-  
gern aufrauffe/vñ in den weg auß Vngern in Poln fest ma-  
che. Denn was wolt er doch anders antworten so in jemandt  
fragte: Hör Solymanne warumb bistu mit dem König Si-  
gmund in bundnus? Darumb das ich also das land Vngern  
bequemlich hab einnemen wölle/was suchestu denn weyter  
so du dir Vngern vnterworffen hettest/nichts anders denn  
das land Poln. Welches vorzeiten mein Vranher/Großvater/  
vnd vater begert haben. Bistu doch mit eidespflichtē dem  
König Sigmund verbunden/welche dir in keynen weg zu  
schwechen geburt noch recht ist: Mir/zwär gebürt es alles/vñ  
ist alles recht/was Machomet geboten hat/vnnnd vnser gesetz  
zulest. Welches mit beyde bundspflicht vnd trew als ein strick  
wider die Christen zuprauchen darlangt/damit ich sie also (wo  
sie ja nit anders mögen von mir vberweltigt werden) durch  
dise falsche vnd lose namen (trew vñ bundnuß) erhasche/auß  
dem weg richte vnd zum Tenffel schlachte.

So nu Solymannus solches selbs bekent/wer wolt denn  
solche trewlosigkeit/solche öffentliche Meyneidt/solche grosse  
büßenstück/fur ein bund durffen besterigē? Dieweil der feind  
selbs/der feind sag ich/E.M. namen vnd reichs Solyman-  
nus/dem es vor allen andern am nuzesten ist/nicht darff lau-  
gnen/oder wer wurdv vns also feind vnd gehessig sein mögē/  
der E.M. mit vergebllichen worten/hinter welchen gar nichts

ist/wolt auffhalten/das sie sich yezundt nit fürsehe/vnnd vns  
armen verderbenden nit zuhylff keme? vnd dieselben bezwin-  
gen / das sie durch gedicht vn̄ falsche Religion verstrickt dem  
Türcken das land Poln vbergebe? Wer wolt doch entlich so  
hinderlistig vnd verkert sein/der do/weil er sehe das dem Tür-  
cken alle sach gegen E.M. offen vnd bereit sein / E. M. die  
bundnuß/ Religion/ vnnd Türckische trew wolt für werffent  
durch welche doch E. M. sicht / den ganzen erdboden zu  
grund gehen.

Jedoch sind man jr/die in solcher forcht/vnd gefahr E.M.  
reiches/ vns alhie auch exempel entgegen stellen/ Dieweil sie  
dargeben E.M. väter Vladislaus sey derhalben bey Varcin  
vom Türcken geschlagen worden/ das er die bundnus dem  
Amuratho nit gehalten hab. Von welchem handel doch die  
allernerrischten leuth solches allein fürgeben / als der sich bey  
vnser väter gedechtnus zutragen hat/ in welchem auch Ale-  
xander mein großvater gewesen / der einn junger gesel auß  
Russen zur selben Varcinischen schlacht gereyset / vnnd  
als er sich wie ein redlichen vnnd freytbarn helden geburt/  
lang gewert / hat, er fast alle seine diener vnd mitgenossen/ so  
er von Primsil mit sich außgefurt hette verlorn/vnd nach sei-  
nem wider kummen sagt er (welches ich denn von meinem  
vater newlich gehort hab) Das Vladislaus ungefehllich bey  
zwey vnd zwenzig jarn alt/vnd eines dapffern müts gewesen  
sey/auch durch vil glückliche thaten/ dermassen erhebt/ das er  
vermeinet/es künte Amurathes mit so keinem grossen hauffe  
kommen/welchen er mit seynen wenigen nit entpfahen/vnnd  
angreifen doiffre. Auß solchem sicht nu E. M. das er durch  
hiziger jugent vnfürsichtigkeit/vnnd nit von wegen des zer-  
brochnen bunds nidergelegen ist. Den nach dem Vladislaus  
gleich ein solchen handel het mit Amuratho wie yez E. M.  
mit Solymanno (denn Amurathus strebet mit gleichen kün-  
sten nach dem land Vngern/ mit welchen yez Solymannus  
nach



nach dem land Poln.) Vnd als Amurathus dem Vladislao  
Vngern nit mocht auß den henden reysen/ wie denn der yetz  
E. M. das land Poln nit kan/hat er sich vnterstanden den  
dapffern vnd freymütigen König eben mit der kunst / vnd  
Machometischen gesetz/welches wir droben gedacht haben/zu  
hindertommen.Hat in derhalben am ersten mit seyner bund-  
nuß angreifen / welche doch weder er selbs noch der Bapst/  
noch Vladislau / noch Capistranus von Sene jemals fur  
ein bundnus gehalten haben/wie den die yetzige E.M.mit de  
Solymanno von jederman vil mehr fur ein fal vñ vntergäg  
E.M.reichs/den fur ein auffrichtigen bund gehalten wurd/  
vnd sicht also E.M.das all jr sach vnd handel eben mit des  
Vladislai handlung zutriff. Vnd so nu niemandt E. M.  
darff trewloß/oder meineidig schelten/wenn sie disen krieg fur  
nimpt vnd darneben der almechtig Got durch aller mensche  
mund dieselben E.M.zu solchen notwendigen billichen vnd  
ehlichen krieg ruffet. Aus was ursach wolt nu jemand so kun  
sein/das er saget/Vladislau wer in gleichem fal bundsbru-  
chig worden? Denn das kein bund hat sein mögē/ noch einigē  
bund enlich / in welchem weder trew/ noch bunds recht / noch  
Vngern von dem Amuratho sicher gehalten worden ist. Von  
der vil mehr ein heimliche schalckheit/fal vnd vntergang(wie  
yetz gesagt) denn ein bund oder dergleichen. Vnd wo es ein  
warer bund gewesen/vnd vnter dem schönen namen nit ge-  
walt vnd heimliche list gesteckt werē/so wurde warlich nim-  
mer mehr der Bapst solches kriegs anfenger gewest sein/nach  
Capistranus den selben geraten / noch Vladislau denselben  
anzunemen geacht haben. Denn so vns ja dapfferer vnd fur-  
nemer leuth ansehen/was recht vnd vnrecht sey leret/das wir  
also das fur das beste vnd werfeste gehandelt halten / was  
sie geraten vñ bestetigt habē. Wer ist nu dapfferer/nach furne-  
mer gewesen/an gotseligkeit/an trew/an glaubē/od'am stand  
heiliger/ den Eugenius der vierte? welcher disen krieg anzufa

hen befolhen hat. Wer ist auß der Franciscer orden je frümmer  
je bestendiger? je messiger? je aller geseg/bundnuß vnd pflich-  
ten ein getrewer beschutger vnd halter gewesen denn Capistranus?  
das auch Franciscus selbs nit dapfferer hat sein mögen/  
Das also das jenig so Capistranus gethon/nit allein für zim-  
lich sonder auch für nötig zuhalten gewesen ist. Derselbig aber  
hat disen krieg anzufahen geraten/vnd zu dem selben Vladi-  
slauum mit grossen anhalten getriben / vnd hat auch er selbs  
der Capistranus mit gleichem müten den krieg gefürt mit wel-  
chem er in geraten hette. Damit er den schaden so durch des  
Vladislai vnvorsichtigkeit / da er dem Amuratho vngerüst  
entgegen kömen/entpfangen worden/ mit grossen der feind  
todt vnd schaden reche. Vnd des allertünesten Königes Tod/  
so meniglich erbermlich war / mit vnzelichen der Türcken  
hauffen vergleicht. Welches alles er on zweyffel nimmer mehr  
wurde geraten noch gethan haben/wo ers darfür erkent her-  
te/das der König durch die bundnuß gehalten oder der krieg  
vnbillig vnd wider Got gewesen solt sein. Verhalben mögen  
sie nun wol auffhören/ *E. M.* geschlecht ein solche schmach als  
zerprochner trew zu zurechnen/vnd jene sachen verachter Reli-  
gion zu zuwendē/welche mehr ein menschlichē wandel / oder  
dem glück so vil in kriegem macht hat zu geeygnet werden sol-  
len. Vñ mögen also wol mit zusehen/das sie nit zugleich/weil  
sie die thaten des edlen Königs schmehē / auch der furnemstē  
vnd heiligsten leuth dapfferkeit verachten vnd zunichten/ wel-  
che disen Varenischen krieg zum theil anzufahen geheysen/  
vnd theyl gefürt haben.

Dieweil nu dem also ist/was hindert denn oder was wend-  
et *E. M.* ab von disem krieg? nu die Religion oder forcht  
Gottes? welchen sie hört / das er in durch menschliche stim zu  
demselbē krieg ruffet. Oder der leuth nach rede/welche doch al-  
le *E. M.* anzeigen/ das sie allein durch wehrliche hand jr heyl  
zuerhalten hab. Oder der bund? welchen doch der feind selbs

Solymanno für nichtig helt / wie durch vil argument be-  
wert ist. Oder vileicht die exempel ander König so mit den  
feind verbunden sein? Aber dieselben alle leren *L. M.* das die-  
se noch allein vbrig sein / die mit dem Türckischen Bund etwo  
verhafft/ bezeit die hinderlist erkent vñ die strick falscher trew  
von jnen geworffen haben vñ darauß entgangē sein/ die jeni-  
gen aber so vngerust wider den feind außzogen/ sein zwar mit  
grossem lob/ aber mit vnserm grossen schaden gefallen. Vnd  
die andern alle so der gedichten Religion lieber denn jrer wol-  
fart habē dienen wöllen/ sein schendlich zugrund gangē. Wel-  
cher hartsal vnd elend ich yetz nit erzelen will/ damit ich nit et-  
wo von sachen rede / welche *L. M.* besser bekand sein/ deñ ichs  
bey mir gedencken kan/ Oder derselben kummeris mehr ma-  
che / mit dem erzelen jrer güten freund vñnd nachburen vn-  
gluckseligkeiten. Diß aber allein darff ich mit der warheit sa-  
gen/ welches ich auch newlich in versamlung Polnischer Rit-  
terschaft saget/ vñ vermercket das die ganze menge dar durch  
bewegt wurde/ das niemand denn die vnfürsichtigē von dem  
Solymanno betrogē seyn/ noch jemād vnter sein gewalt kom-  
men/ denn welche die wehr hindangelegt / seinem bund vñnd  
trew geglaubt haben.

Vnd wie ich vorangefangen hab/ so mangelt es *L. M.* an  
nichten/ so zu solchem krieg notwendig/ als do ist kriegs volck/  
zum theyl einheimisch vnd zum theyl frembd. Denn so mans  
recht mustern will / so wird es ohn allen zweiffel/ wie den bey  
meniglich bestehet/ durch *L. M.* ganz Reich auff zweimal  
hundert tausent man lauffen/ die alle dapffere vñ kriegs geüb-  
te personen sein. Welcher *L. M.* ein jedlichs fendlein vilen der  
Türcken hauffen entgegen setzen mag/ allein das die selb mu-  
sternung geschehe nach eines jeden stand vñnd werden. Denn  
nachdem die Ritterschafft ein sonderlich leben vnd stand fü-  
ret/ die Prieesterschafft auch ein sonderlichs/ vñnd ein sonderlichs  
der Gemeine man/ wirt *L. M.* solche Stende nit in gleicher  
fo:m

form mustern / sonder ein jeglicher Ritter ziehe fur sein theyl  
selbs / ein Priester schick fur sich ein kriegshman / der Hédler vñ  
der Baurshman legen zusamen kriegshleuth zuerhalten / das al  
so beyde daheim / vñd aussen im krieg der gemeine nutz erhal  
ten werde / weil die Ritterschafft den krieg furet / vñd die an  
dern daheim das feld bawen / handlen / vñd Góttes dienst ver  
sorgen.

Vñd in solcher anlag kan man sich der maß am besten ge  
brauchen / das ein jeder wie er seyner gúter ein herz ist / auch der  
selben ein schetzer sey. Das der kriegshman auff sein eid anzeige /  
das er nach seinem vermógen besser gerúst mit hab ziehen mó  
gen denn er erscheine. Die Priester so felder haben / das kein  
bessern vermógē zuschickē den geschick sey / Welche aber vom  
Zehenden leben / das sie fur jren theil so vil gesteuert habē / als  
jnen aufgelegt ist / gleicher weiß ist es auch mit dē Baurshman  
zuhalten / so man ja den krieg ohn jr mit hylff zufúren nit ver  
mag. Desselben gleichē auch mit den Hédler / vñter welchen  
alle die jenigen zuschetzen sind / so etwo mit was jren nutz vñd  
gewin suchen / das ein jeder ein theyl seines gewins zu steur le  
ge / vñd die haubt summa jnen / gleich als der Ritterschafft li  
gende gúter / vnuerferet vñd vngeschwecht bleibe.

Aber was mag ich da? bin ich auch klüg / der ich dise ding  
vor E. M. disputire? Ich verstehe wol das ich jr verdunlich  
bin / vñ sie mir gleich jez wider reden wil / vñd sagen / Wie? we  
ssen wir denn das nit / so du vns nit hest angezeigt? Ja zwar  
durchleuchtigster König Sigmund / E. M. weiß es. Denn  
was mag doch jr sein / das ordnung vñ regiment antresse / wel  
ches E. M. verborgē were? oder was mag man jr furbringē /  
das E. M. durch lange vñbung nit erfahren hette? Nichts on al  
len zweyffel / vñd so ver felt es noch / das ich E. M. so mit so  
hoher weißheit begabt ist / vernamen vñd leren solt / oder was  
news furbringen / dem der vñter allen Königen so je gelebt  
der erfarnest vñnd verstendigest ist. So thöricht bin ich zwar  
nicht /

nicht/kenn mich auch selbs so gar vbel nit. Aber dieweil ichs vom anfang her mir furgesetzt het/das ich nichts des jenigen wolt aussen lassen/das die zeit vñ handlung foderte/bin auch gemechlich in dise red gefallē/Damit ich auch dis anrichte / so bey **E. M.** fürsichtigkeit lang zuuor beschloffen gewesen ist.

Diß aber wil ich **E. M.** anzeigen/ das sie auch vber dieses einheimische Kriegsvolck/von welchem yetz gesagt/ noch vil mehr von außlendischen Königen vnd völkern. hylff haben wirdt / welche alle geneigt sein/ **E. M.** in disem Türckischen krieg zu furdern/mit leiß vnd güt jr bey zustehn. Vñd nit allein die / so jr mit nachpaurschafft verwant/sondern auch die jenigē so zum theil das gluck in **E. M.** bundnus gebracht/vñ zum theil die Oheimschafft schwegerschafft vnd freuntschafft jr geneigt vnd anhengig macht. Denn **E. M.** in keinen weg zweyffeln soll an der trew vnd hylff des redlichen Keyseris Caroli/noch an der freuntschaft des Königs Ferdinandi. Denn da haben sie beyde jr gewissen pfand vnd anzeigen ires geneigten willen gegen **E. M.** gegeben/diser die Tochter/iener seine Tefen/**E. M.** Son zum weibe. Vnd vber disen heiligen Ehebund stehn sie zu beider seiten in gleicher gfar mit **E. M.** welche sie auch **E. M.** zuhelffen dringet/das also kein vngluck weder den Keyser noch dē König Ferdinando begegnen möge/welches nit auch **E. M.** zufurchtē sey/ vñ dargegen **E. M.** nichts so gering schaden/des sie nit auch zuwarten hetten. Vñ was soll ich nu vber dise/die andern Teutschē Fürsten nach ein ander erzelē: Welche alle von herten in jrem drang wunschē/das **E. M.** doch eins mals wöll ingedenck sein/ jhrer Tochter so sie dem Fürsten in der Marck vermelet/vnd der schwestern nit vergessen/welche sie in Bayern/ in Meissen/ in Pomern/ ins land Ligniz verheyrat hat/vnd auch entlich gedencckē des ganzen Teutschen landes/welches sie von jrem geblüt vnd geschlecht/nit ein geringen theyl besetzt sicht / vnd sich auß disen bundsstricken mit welchen sie Solymannus gefangen / vñd

zu irem eygnen schaden/vnd verderben des ganzen Teutsche  
landes/vnd der ganzen Christenheit gebundē hat/eins mals  
aufwicklen/das sie also von dem falsche bund ledig/ mit wehr  
vnd waffen/sampt den Teutschen jr selbs heyl wolffart vnn  
freyheit suche. Zu denen aber sind auch da die Welschen Für  
sten/welche alle (weil sie nur ein klein mittel von Griechen  
land scheidet/vnnd derhalben in grosser gefahr teglich stehit/  
auch durch stettigen anlauff Neapolim vnd ander mehr gesta  
den/zu offtermal verwüsten sehen) den selben tag zu sehen be  
gern/an welchem E. M. zu Land/vnd sie zu Wasser den ge  
meinen der ganzen Christenheit feind Solymannum angreif  
fen. Solche gehülffen hat nu E. M. zum krieg/welche alle  
freiwillig sich darbieten/vñ will die freuntschaft E. M. gema  
hels der löblichen Königin halben/welche auß dem altē daps  
fern des Sphorcia geschlecht mitten im Welschland geborn/  
erliche E. M. verbindet/werden nit allein die Neapolitaner/  
vnd Meylender/sonder auch die Venediger/Langobarder/  
die furnemsten vnd mechtigsten Welschlandes/sampt allen/  
so jnen vnterworffen sein E. M. zuhylff kommen. So bald  
nur botschafft von E. M. oder brieff/oder entlich das gemei  
ne geschrey/von solchem irem E. M. furnemen jnen zukom  
men wirdt.

Damit aber solches deffer füglicher geschehen möge/wirdt  
diß vnserm furnemen nit ein kleine furderung sein/ So E.  
M. die Teutschen Fürsten durch redliche dappfere redner vnd  
gesanten/zu dem alten frieden vnd freuntschaft bringet. Den  
es wil sich nit gebüren/ist auch nit möglich/das wir was gūts  
auf disem krieg hoffen solten/weil die Teutschen vnter jhnen  
selbs in zorn entbrandt vnd offnen haß vnd krieg gegeneinan  
der füren/vñ die Religion sachen solche vngestimmigkeit vn  
ter jnen anrichtet. Vnnd wolt Got/das doch ein mal solcher  
zank vnd disputation/eintweder gemessigt wurde/oder geng  
lich so es sein kunde geendet. Durch welche die Teutschen Für  
sten/  
sten/

sten/von beschützung des Reichs abgewendet werden/in den  
schülen Philosophiern/vnd jez von zweyerley gestalt/jez von  
der Priester Ehe ganz müßig on alle Reich sorg gesprech hal  
ten/ Das sie also weil sie iren Priestern newe weiber suchē/ire  
alte sampt den kindern/vnnd allen gütern drüber verlieren.  
Solchs red ich aber nit/das ich so gar ein wimmer/vnd von  
Christo abgewendet wer/das mich solche vnbild vnd gemei  
ne zerruttung nit solt bewegen. Sonder eben das bestetig ich/  
welches ich auch newlich in versamlung der Polnischen Rit  
terschafft geredt hab/das ichs für vnbillich halte zu diser zeit/  
weil der Machomet mit gewerter hand vnd krieg den gelau  
ben an Christum außrottet/das die Fürsten sich durch vnnuge  
frage von des Landspfleg vnnd sorg des regiments abwene  
den lassen/ Welche rede als ich vernam etlichen hochgelerten  
Teutschen nit gefallen hat/ Weil ich der Menschē sach höher  
achtet denn Gottes. Ich acht es aber nit also/sonder dieweil  
ich sehe/das man vns so oft mit vergeblicher hoffnung das  
maul macht/nit dem Concilio/welches immer je lenger auf  
geschoben wirdt/vnd doch der Bapst Paulus **L.M.** auff kei  
nen weg mitler sein will/das man Friden machte/die Teuschē  
auch die Religion sachen dermassen verfechten/das sie nit vil  
sorgen wo die Religion bleiben möge/wen Teuschland ver  
lom vnd verheret sey/ Hab ich da zu mal der Ritterschafft ge  
raten/welches ich auch jez vor **L.M.** wider hole/das sie **L.**  
**M.** zu hylff nemen/vnd mit allem fleyß anhielten/das Key  
ser Carolus mit gleichen gedingen in Teutschen landen Frid  
machte/so ja nit ein solcher möcht angestellt werden/durch wel  
chen alle vnbilligkeiten abgethon wurden/das doch ein sol  
cher auff ein zeit bestetigt wurde/Darumb man Teusches  
land auß solcher zwytracht/vneinnigkeit/forcht/vnd zerrut  
tung aller sachen erledigen möchte. Welcher rede mich zwar  
noch nit gerewet hat. Denn was möcht doch bessers in solcher  
vneinnigkeit vnd zwyspalt geraten werden/denn ich da gesagt

hab: Es wer mir zu fürchten ( glaub ich ) das ich vor der versamlung mit solcher rede nit bestehn kunde/ so der Keyser alle Lender/ Reich/ vnd völkter auß solchem iemerlichen/ elenden/ vnd besorglichen wesen vnnnd zwytracht / durch meinen rath erlediget: In sonderheit weil ich sehe/ das öffentlich der Keyser in dem beschuldigt wirdt / das er mit kleiner mühe grosse zwytracht eintweder nit weg nemen will/ oder nit acht. Den das ers wegnemen möge wissen wir alle / so er hette dem exempel der alten Keyser Constantini/ Theodosij / Sigismundi/ da wollen nachfolgen/ welche wider aller willen/ niemant angesehen/ Concilia zusamen geruffen haben/ vñ mit geringer arbeit solche zwytracht im Reich gestillet/ so hetten wir vorlangst keinen einheimischen zand mehr vnter vns. An diesem ort / bitten wir durchleuchtigster König / R. M. wölle vñ Christi willen/ vnd vmb seines Rosenfarben blüts willē/ so er fur sie vnd vns vergossen hat/ ein auffsehen haben/ vnnnd souil an jr gelegen ist/ zusehē das solche grosse/ langwirige/ gefehliche vnnnd schädliche zwytracht/ welche der ganzen Christenheit vil vñ grossen schaden zugefügt/ Teutsches land hart geplagt/ Vngern verderbt/ vnd R. M. die Walachei entzogen hat. Solchem vnglück sag ich/ das so weit außgebreit vnd vmb sich gefressen hat/ wölle R. M. wo sies ja nit gar auß der Christenheit weg nemen kan/ doch zum theyl ein zeitlang stillen/ vnd linder machen. Vnd so die Teutschen von irem fürnemen nichts nachgeben/ ist zu besorgen/ es werde ehe denn sie erlangen was sie suchen Teutschlandt vntergehn/ Poln verwüestet vnd dienstbar gemacht werden/ vnd vns als den Got selbs in vnser höchstem not nichts mehr nutz sein/ weil wir also wissend vñ sehend mit freyen mürtwillen zum verderben dringen. Damit aber solches nit geschehe/ ist es R. M. mit höchstem fleiß zu verhüten/ vnd sie soll hierin keine mühe/ kein sorg noch fleiß sparen/ das doch die Teutschen wider vereinigt vnd durch sie allen völktern der frid müg zu wegen bracht werden/ welchen



welchen menigklich so lang von hertzen Begert hat / das auch  
solche **H**ülffung **E. M.** vnd Reich zu nutz / zu schutz vnd hilff  
gedeyen möge / Dieweil nu die Teutschen am ersten / hernach  
die andern alle nach dē sie erledigt / vnd von solcher feintschaft  
vñ gemeinem haß freygemacht sein / vil leichtlicher sich zu sol-  
chē grossen krieg versamlen / auch vil einhelliger zusamē hal-  
ten werden / **E. M.** am furderlichsten hylff zuthun / welche sie  
mitten in der gefahr stecken sehen / als do sie den Solymannum  
auff Ungern auff dem hals spüren / Krieg auff der Wa-  
lachey zuentboten hören / auff der Tartarey alles verderben  
vñ vnglück werdē mercken / der sie auch entlich weder Bund/  
eyd / Trew / noch Religion dienstlich sein erkennen / ist **E. M.**  
sonderliche mühe hierin furzwenden von nöten / das sie obs  
ja nit von anderer wegen geschehe / doch von jr selbs leben vñ  
wolfart willen / die Teutschen zu einigkeit bringen möge / **Ehe**  
denn Solymannus hieherein falle / vnd alle **E. M.** furnemen  
zu boden schlage. Vnd in sonderheit weil **E. M.** merckt vñnd  
versteht / das er allein mit dem übeth / allein das gedendct / sich  
des auch allein auffshöchst befliebt / wie er den krieg auff Un-  
gern hieher ins land Poln mit dem ersten wende möge. Vnd  
im gleich wie er vor durch Ungern ein weg in Poln gemacht  
hat / auch durch Poln ins Tertschland den selben vollstreckt.  
Da fodert es nu / **D. König** die höchste not / das **E. M.** mit al-  
lem Radt vnd vermügen / das vaterland auff der forcht vñnd  
gefahr / in welcher es yetz steckt / auffs erst errette. Denn dahin  
sicht es allein / derselbē hat es sich in schutz vñ schirm vertraut /  
on die selben kan es keine wolfart noch heil erlangen / es erbeut  
sich auch entlich zu allen sachen / ganz gutwillig den krieg zusü-  
ren / den hauffen zuerhalten / gelt souil not ist zusammen zu steu-  
ren / das also **E. M.** nichts an vns mangelen kan / Wir wöl-  
len folgen wo sie vns hinfurt / wir sein bereit vnd gerust / mit  
werhaffter hand gegenwertig / da ist kein Stand / kein ort / kein  
mensch der was anders / deñ den feind / deñ wehr vnd waffen /

denn den krieg begere. Es sol aber auch **E. M.** des Solymanni im land Poln nit harren / sonder selbs gegen im **Ußzihen** vñ mit dem schwert angreifen / also das wir vil mehr im ver-  
wüsten Vngerland denn in vnsern eygnen heußern mit in-  
kriegē. Damit wir nit fur die geschetz werden / so wir daheim  
des Türcken erwarten wolten / die vmb hauß vnd hoff vñnd  
nit vmb regiment / ehr vñnd würdigkeit so vns vnser eltern  
gelassen / vñnd mit irem blüt erhalten haben / mit im streiten  
mußten. Darzu so ist der allemal freydiger der ein andern mit  
krieg heymfucht / denn der daheimen vor seiner thür mit dem  
feind kriegen soll. Den der mit dem gar bald genomen wird /  
durch die trübsal / wenn er sein vaterland sehen muß fur sey-  
nen augen mit schwerdt vnd feur verwüset / Vñnd welches  
schwerer ist / denn alle wunden / das Weib vñ Töchter geschen-  
det / hauß vnd hoff verbrent / die seinen erschlagen / in solchem  
jamer vnd elend / das so schwer zusehen ist / was soll fur ein ge-  
walt / fur ein müß / oder hertz da sein / was fur manheit / welche  
solchen bitterer schmerzen / solcher greulichet anblick nit ver-  
zagt machte noch nidertruückte. Aber die so weit von irem va-  
terlandt dem feind mit krieg begegnen / gebrauchen sich güter  
hoffnung / habē keine hefftige ansechtung von wegen der iren  
trübsal / seind vnuerlegt an iren gütern / weren auch je lenger  
je stercker je freidiger im krieg / denn weñ sie mit solchem müß  
vor irer weiber / kinder vnd eltern angesicht mit dem gerüsten  
feind der schier alles gewonnen streiten soltē. Verhalben ist **E.**  
**M.** von nöten diß zu thun / das sie weyl ire vermögen noch vn-  
verlegt sein / vil mehr / es sey wo es wöll an andern orten / mit  
dem Solymanno kriege denn im landt Poln / Denn sie soll  
es nit alles zumal dem feind darsetzen / die kriegsleut mit wel-  
chē er streite / die weiber welche er schende / kinder die er mörde  
die güter die er plundere / hauß vnd hoff die er verprenne / vnd  
kirchen die er zerreisse. Sonder dieweil vns solches alles da-  
heim vnuerlegt bleibt / werden vns die wunden so wir aussen  
entpfahen

entpfahen vil leidlicher sein/ denn wenn sie des betrübte weib  
dahem verbinden/ die geschende Tochter sehen / vñnd die el-  
tern so sonst woll geplagt weren beweinen soltē/ Da wirt kein  
erschlagne müter/ kein verbrent vaterland vor vnsern augen  
sein/welches vns bekümmerte / Vñd entlich wirdt der feind  
gar nichts haben/dadurch er vns verzagt mache/ das wir des-  
ster schwacher in streit ziehen. Vñ dieweil wir nichts vor den  
füssen haben/das vns sorg oder angst machen möchte/  
denn diß einige vñd notwendige/ das wir/ ehe wir  
vns zur knechtschaft begeben/ehe eines ehr-  
lichen Ritterlichen Todts sterben/ mit  
welchem müit wir E.M. den sig  
erlangen wöllē. Welchen vns  
Got verleihen wirdt/  
oder endtlich das bekummen/das er der Herr  
vns am aller nüglichsten zu  
sein selbs wissend  
ist.

Am ersten tag Martij im 1544. vor dem  
König Sigmund 2c. verhört.



